

دستان

میر هدايت حصاري

گلین بیر دستان دئییم ، آنا دیلی حاقین دا
نه یئنیش لر ، یوخوش لار ، گورودور اوز و اکتیندا
ننجه عصیرلر بویو ، اوز یولونو تاپمادی
اسیرلیگه سیخیشدی ، آزادلیقا چاتمادی
آما قوی اول دئییم بیرجه مشهور تاپماجا
چوق ساده کی اوشاق دا باشارار اونو آجا
نه دیر ؟ هاممینی به زه ر ، آما اوزو لوت گه زه ر
بلی ، اوزو لوت گه زه ر ، آما هاممینی به زه ر
فیکیر لشیب جاواب وئر ، ننز دئنه کی او نه دی
تاپانمادین قوی اوزوم ، دئییم کی او ((ایگنه)) دی
آما اونا بیر ایری جاواب دا من تاپمیشام
چوخلو فیکیر ده ن سورا بو جاوابا چاتمیشام
او بیزیم خالقیمیز دی اوزگه لری بزییه ر
اوز دیلی اول- اول ، اوزگه دیلده سوز دییه ر
عرب ، فارسین ادیبین پارلاندریب وار ائیلر
اوز ادیبین دن قالیب ، اوز دیلینی خوار ائیلر
سایسام اونون خدمتین فارس دیلینه ، علمینه
اوندا قبول اندره سن ، احسن دییه رسن منه
هاردا بؤیوک دانشمند ، شاعر فارسی دا وار دی
آختارسان گوره جکسن ، او بیزدن یادگار دی
هر رشته ده ، هر ایش ده چوق ماراقلی کتاب لار
تورکون بیلجی لری ، فارس دیلینده یازیلار
قوی بیر ساییم ننجه سین ، نمونه چون اونلاردان
سن اوزونده آختارسان ، مین لرجه سین تاپارسان
موسیقی ده ، طب ده ، لغت ده ، نقاشلیق دا
تاریخ ده ، جوغرافی دا ، شعرده ، خطاطلیق دا
بیز فارس لارا وئرمیشیک چوخلو حاذیق حکیم لر
محقق لر ، عالم لر ، شاعرلر ، منجم لر
فارسین ادبیاتین تورک شاعری یوکسه لتدی
ادب آسمانی ، ستاره یه غرق ائتدی
تبریز ایله شیرواندان چیخان شاعری سایسان
فارسین شاعرلرینین آرتیق اولار ساییندان
ارده بیل دن ، طسوج دان ، شبستردن ، خالخالدان
هله قیراقدان قالسین ، شومالی آذربایجان
محمد فضولی ، صائب ایله خاقانی
(رحمت) کوزه کنانی ، مجیر بیلقانی
قطران ، همام تبریزدن ، مراغه لی اوحدی
شبسترلی شیخ محمود ، نظامی گنجوی
سید احمد هاتف ، شاه فضل اله نعیمی
انسانا قیمت وئر ن ، حق شاعری نسیمی
فلکی شیروانی ، لعلی ، قاسم انوار

اشرف مراغه اي ، قوام الدين ذوالفقار
 شاه اسماعيل (خطائي) اونون اوغلو سام ميزا
 بير آيري شاعر اوغلو شاهزاده بهرام ميرزا
 صفويه شاهلاري ، هامميسي شاعر ايدي
 قاجارلاردان دا بعضي بو ايشده ماهر ايدي
 بابا كوهي معروف ، عتيقي تبريزي
 ((الهي)) بيرده ((جامي)) شكيبى تبريزي
 حسام الدين چلبى ، حاجي محمد عصار
 ابوالعلا ، حقيقي ، هم صادقي افشار
 ((سالم))، ((تائير)) هم ((شريف)) تبريز شاعرلريندن
 او شاعرلر بئجه ره ن ، علم و هنر شهريندن
 موللا مراد طسوج لو ، حسين كوزه كناني
 خوي دان حسام و مفتون ، هم سالك ايله فاني
 ((جرعه))، ((مير علي خاوري))، ((شرف الدين رامى))
 هم ((لطفعلى دانش))، ((سهوي))، ((باقي)) و ((نامي))
 شيخ الرئيس (حيرت) هم شاه عباس ثاني
 خانيم لاردان پري خان، پروين اعتصامي
 ((مهستي))، ((ماهي خانيم))، ((گوهر آذربايجاني))
 اوگول اوزلو شيرين سؤزگوزل گؤچك لر هاني؟
 آغابگيم جوانشير ، خديجه سلطان خانيم
 خاتين لاردان بيرى ده تبريزلي حثيران خانيم
 تبريزين گول لرينده ن بيرده خانيم ((جمالي))
 شهره ي آفاق اولان جمالي هم كمالي
 ايرج ميرزا ، طالبوف ، فتحعلي آخوندزاده
 اجازه وئر باشيني ، آغريتمايم زياده
 بونلار ققديم كي لردي،جديدلرين مين لري
 فارسين ادب گولشه نين انديب ديلر گورمه لي
 قديم لرين ده حثتا، آدلاريني آپارسام
 كتاب لار قارالانار،فقط آدلاري يازسام
 جغتايي تورك لرين بوردا هله سايميرام
 ابن سينا ، فاريابي ، كيم دي سايا آلميرام
 ابوريحان بيروني ، عليشير نوايي
 شرقي تورك لري سايسام اليمنه ن چبخارسايي
 بورا دا فقط آذري تورك لرينين سؤزودور
 همان آذري لر كي ، تورك خالقنن گؤزودور
 تك جه شاعرليك دگيل بيز باشيديق هرايش ده
 هر هنرده علم ده، آزادليقدا، دؤيوشده
 نققاشليق ، مينياتور دا، سئحركارليق ائيله ديك
 خطي بيزگوزه لله تديك،گه لين كي مي بزه ديك
 اوندا ابداع،اختراع تبريزده ن باش قووزادي
 ان ياخشى خط يازانلار بيزيم يوردوموزدادي
 مير علي تبريزي ، ((علا بك)) تبريزي
 عبدالله صيرفي ، هم ((ميرك)) تبريزي
 ((اظهر)) محمد (منشي) نظامي تبريزي
 ((ابراهيم))، ((علي رضا)) ، ميرزا رضي تبريزي
 اونلار اوولاد به اولاد خطاط،خوشنويس اولدو

تاريخين ديوار لاري خوش خط لري ايله دولدو
 عبدالقادر مراغي هم او غلو عبدالرحمان
 نوه سي عبدالعزيز ، موسيقي شناس لاردان
 اول لغت كتابين، تيريزلي قطران يازدي
 لاپ كاملين اونلارا (حسين برهان) يازدي
 اوندان صورا گه له نلر، اونو رونويس انتدي
 اوبير شاهكار ايدي كي، فارس ديليني ديريلندي
 فارس دادا وار البته شيرن ديللي شاعر لر
 آنجاق اونلار اوزلري بو امري تايبه ايله ر
 ((ترکان پارسي گوي بخشندگان جانند))
 فارسي قوشان تورك لره يوخ دوغرو دان همانند
 آذربايجانين ديلي، شعر ديلي ، ادب ديلي
 هر يئري بير گلستان ، هر گولده يوز بولبولي
 شعر و ادب يقين بيل بيزيم نسلميزده دي
 شيرين صحبت ، شيرين سؤز ، بيزيم اصلميزده دي
 آذري بولبول لري فارسي چهچه ووردولار
 آنا ديلي خور اولدو، فارسا بنا قوردولار
 فارسين ادبياتي بيزده ن شيرينليك تاپدي
 بيزدن آدي يوكسه لدي، بيزده ن بويوك لوک تاپدي
 فارسين گلستانين دا بيزيم گول لر پاريلدار
 او گول لره باخانلار، لنده ت چکيب شاد اولار
 تورک لرین هنري ايدي كي فارسي شکر اولدو
 فرهنگي غني لشدی، ديلي پر ثمر اولدو
 بيز فارس ديلين اوجالتيق اوزاقلارا آپارديق
 شرقه ، غربه، شومالا، اروپايا آپارديق
 دونيادا مشهور انتديک اعتبارين چوخالتيق
 لاکين اوز ديليميزي ، يادميزدان چيخارتيق
 نتيجه سي نه اولدو ؟ دالي قالدیق اوزوموز
 هله ديبه بيلميريك آنا ديل جه سؤزوموز
 تاپدالييب از ديلر ايل لر بويو بيزلري
 ديليميزي باغلادي فارسين شونويست لري
 شومال آذربايجاني آيريلماسايدي اگر
 آذربايجان خالقيندان ، ايندي يوخ ايدي خبر
 اونلار اولماسايديلار بيزده ن اثر يوخ ايدي
 شانلي تاريخميزده ن ، ديل دن اثر يوخ ايدي
 ايندي ايسه خالقيميز تکليفيني آنلاير
 آناديلي يول آچير ، ايش لري سهمانلاير
 هر انسانين حاققي دير آناديل جه دانيشماق
 بو حاققي آماق اوچون ، ايندي گره ک چاليشماق
 آغلاماسان ممه يوخ، بودور رسمي دونيانين
 حاققيني آماق اوچون لازم اولسا وئر جانين
 حاققي گره ک آلاسان ايسته مک کافي دگيل
 ظولمکارا يالواريب ، اينله مک کافي دگيل
 حاققي گره ک آلاسان اصلانلارين آغزيندان
 ال ساليب چيخار داسان زور ايلن بوغازيندان
 قوي ايندي دنيا بيلسين بيزيم ده وار ديليميز

قودره ت لي فرهنگيميز، تاريخيميز، ائليميز
آسمان ادب ده پارلاق اولدوزلار بيزيك
ياز فصلينده شيديرقي ياغان بولوتلار بيزيك
اوجا، گوي لره قالخان، شاهين تيز پرواز
هنرده مرد ميدان، ادب ده نكته پرداز
شاعريك ساحه سينده سبقت دوتان بيز اولدوق
علم زمينه سينده، بدعت قويان بيز اولدوق
آزادليق ايستيه نده، بيز هر يئرده باشيديق
جنگ لرده بيز ايديك، ائل لره يولداشيديق
ايراني بيز ساخلاديق يابانچي دوشمانلاردان
باشي اوجا چيخميشيق هميشه ميدان لاردتان
ايندي گره ك چاليشاق، داشلي گديك لراشاق
گونشي اله سالاق، افق لره نور ساچاق
گنجه ني جبران انده ك، گنجه گوندوز چاليشاق
عالمي حئيران انده ك، اود الووا آليشاق
پاس باسمىش فيكيرلره ايش ايله صيقال وئره ك
دؤنوب قالميش ديل لره، شكر وئره ك بال وئره ك
هر نه گه لسه (هدايت) الين ده ن اسيرگه مه
كؤمه ك انت قلمين دن، ديلينده ن اسير گه مه .
۱۳۵۸ گؤنش ايلي